

# ORIENTAL JOURNAL OF ACADEMIC AND MULTIDISCIPLINARY RESEARCH

Open Access, Peer Reviewed Journal

Scientific Journal





**INNOVATIVE  
WORLD**

**ORIENTAL JOURNAL OF  
ACADEMIC AND MULTIDISCIPLINARY RESEARCH**

**Volume 2, Issue 6  
Sentabr-Oktabr 2024**

**Journal has been listed in different indexings**

**Google Scholar**



**ResearchGate**

**zenodo**



**ADVANCED SCIENCE INDEX**



**Directory of Research Journals Indexing**

**The official website of the journal:**

**[www.inno-world.uz](http://www.inno-world.uz)**

**Andijon-2024**

**TA'LIMDA MODERNIZATSIYANING O'RNI.****Xojiakbarova Nodiraxon Abdumutal qizi****Namangan viloyati To'raqo'rg'on tumani,  
12-maktab Fizika o'qituvchisi.****KALIT SO'ZLAR**

renessans, ilm-fan, texnika,  
texnologiya, ta'lim islohoti,  
ta'lim modernizatsiyasi,  
kasbiy kompetensiyalar,  
innovatsion g'oyalar,

**ANNOTATSIYA**

Maqolada ta'lim tizimida modernizatsiyaning o'rni, muhim yo'nalishlari va huquqiy meyorlari asosida fikr yuritilgan.

Mamlakatimizda so'nggi yillarda ta'lim tizimining barcha bosqichlarini zamonaviy talablar asosida tashkil etish bo'yicha amaliy ishlar hal qiluvchi bosqichga kirdi. Yangi 3-renessans davrini tuzish va shakllantirish jarayoni va yangi O'zbekiston qurish loyihasi fonida olib borilayotgan yangilanishlar va islohotlar natijasi shuni ko'rsatadiki, ta'lim tizimini modernizatsiyalashning ustivor yo'nalishida ilm-fan, texnika, texnologiya va ishlab chiqarish jarayonini avtomatlashtirishning tez sur'atda rivojlanayotganligi insoniyatning barcha jabhalardagi rivojlanishning yangi davriga o'tish bosqichini ko'rsatib berayotir. Jamiyatning rivojlanish jarayoni negizida ta'lim islohoti muhim o'rin egallaydi va buning natijasida bir qator ilmiy izlanish natijalari o'zini oqlamoqda. Ta'lim muassasalarida tahsil olayotgan kadrlar sifati va salohiyatiga faoliyat olib borayotgan har bir pedagog mas'uldir. Jamiyatda fanning rivojlanishining davlat darajasida amalga oshirilishi, texnika, ishlab chiqarish va va ilm fanning rivoji rivojlanish bosqichining takomillashishiga olib keladi. Rivojlanish darajasining oshib borishi natijasida aholining turmush tarsi va yashash sifatining oshib borishi ta'minlanadi [1].

Fan va texnika yutuqlaridan ijtimoiy hayotda ongli ravishda foydalanib, aholi yashash sharoitini isloh qilish demokratik fuqarolik jamiyatini yaratishga xizmat qiladi. Yangilanishlar asnosida jamiyatda yaxshi tomonga o'zgarishlar va inson qadrining yuksalishiga xizmat qilish takomillashadi. Asosiy e'tiborning ta'limga qaratilayotganligi ham shular jumlasidandir. Jamiyatning ijtimoiy, iqtisodiy va madaniy ehtiyojlarini, uning malakali kadrlarga, shaxsning eng sifatli ta'lim olishga bo'lgan talabini qondirish, ta'lim tizimining barqaror rivojlanishini ta'minlash maqsadida mavjud mexanizmning qayta ishlab chiqilishi yoki takomillashtirilishi ta'lim tizimini qayta isloh qilinishidir.

Ta'lim modernizatsiyasi shaxsni o'qitish va tarbiyalashga oid eng yaxshi an'analarni saqlab qolgan va boyitgan holda majmuaviy xarakter kasb etib,

ta'lim tizimining barcha sohalarini to'la qamrab oladi va jamiyatda qaror topgan malakali mutaxassislarni tayyorlash borasidagi ehtiyojni qondirishga xizmat qiladi [2].

Ta'lim tizimini modernizatsiyalashda quyidagi ustuvor vazifalar hal qilinadi:

- har bir shaxsning to'laqonli ta'lim olishida boshqalar bilan teng huquqliligi va ta'lim olishning ochiqligini ta'minlash;

- yangi sifat ko'rsatkichlarining ta'limning hamma bosqichlarini qamrab olishi;

- ilmiy yangiliklar asosida ta'lim tizimini tashkillashtirish hamda ulardan unumli foydalanishning me'yoriy-huquqiy va tashkiliy-iqtisodiy asosda ishlab chiqish;

- pedagoglarning davlat va jamiyat hamjihatligida kasbiy va huquqiy normativlarini takomillashtirish;

- davlat va jamiyat boshqaruvi ostida ta'lim tizimining ta'lim beruvchi, ta'lim oluvchi va uning vasifalari hamda ta'lim muassasasi hamkorligini takomillashtirish. Tayyorlanayotgan mutaxassislarga faqatgina bilim beribgina qolmay ularni kasbiy kompetensiyalarini oshirish, texnik ko'nikmani shakllantirish, texnik qobiliyatni takomillashtirish, information vositalardan unumli foydalanish va yangi innovatsion g'oyalarni amalga oshirish, kasbiy kompetensiyani rivojlantirish rivojlanib borayotgan davr talabi hisoblanadi. Bugungi kunda mamlakatimizda o'rta maxsus ma'lumotli kichik mutaxassislarning maqomini belgilab qo'yish zaruriyati mavjud [3]. Unga ko'ra, kichik mutaxassislarda davlat tomonidan ish bilan qat'iy ta'minlanishi va ularning oliy ta'lim muassasasiga uchun imtiyozlar belgilab qo'yilishi maqsadga muvofiq bo'ladi. Chunki akademik va kollejlarda institut yoki universitetlar huzurida faoliyat yuritmoqda. Ana shu muassasalarida o'qish uchun kichik mutaxassislarda imtiyozlarga ega bo'lishi kerak. E'tibor berilsa, bunday yondashuv o'rta maxsus muassasalarini modernizatsiyalash imkonini beradi.

Shunday qilib mamlakatimizda maktabgacha va maktab ta'limi, ixtisoslashtirilgan va ijodiy ta'limni hamda o'rta maxsus, professional va oliy ta'lim jarayonini yangilash muhim ahamiyatga egadir. Bu bilan mazkur ta'lim muassasalarining faoliyati kuchayadi va mutaxassislarda tayyorlash jarayoni takomillashadi.

#### FOYDALANILGAN ADABIYOTLAR.

1. O'zbekiston taraqqiyotining poydyevori. – Toshkent, Sharq nashriyot-matbaa kontserni, 1998.
2. Yangi O'zbekiston taraqqiyot strategiyasini "Insonga e'tibor va sifatli ta'lim yilida amalga oshirishga doir davlat dasturi."// [www.ziyounet.uz](http://www.ziyounet.uz).
3. Hasanboyev J. va boshq. Pedagogika fanidan izohli lug'at.-Toshkent, 2009